



## ХАЛҚ ИЧИГА КИРИБ, ХАЛҚ БИЛАН БИРГА ҚИЛИНАЁТГАН САЪЙ-ҲАРАКАТЛАР НАТИЖАСИ

Президент Шавкат Мирзиёев маҳаллалар ҳаёти ва саноат корхоналари фаолияти билан танишиш, янги лойиҳаларни ишга тушириш ҳамда ҳудудларни ривожлантиришнинг муҳим масалаларини муҳокама қилиш мақсадида 17 февраль куни Бухоро вилоятига ташриф буюрди.



Президент ташрифни Баҳоуддин Нақшбанд мақбарасини зиёрат қилиш билан бошлади.

Қуръон тиловат қилинди. Аллоҳ таолодан ўтганларга раҳмат, юртимизга тинчлик-фаровонлик тилаб дуо ўқилди.

— Ҳамма жойларга бориб, соҳаларга туртки бериб, муаммоларни ҳал этиб, халқни рози қилишга ҳаракат қилишимиз, — деди Шавкат Мирзиёев. — Бугун Бухорога ҳам янги марраларни белгилаш, одамларнинг бирини икки қилиш учун келдик. Ҳамма хайрли ишларимизда Аллоҳнинг ўзи мададкор бўлсин.

Олимлар билан суҳбатда диний таълимни ривожлантириш, жаҳолатга қарши маърифат билан курашиш зарурлиги таъкидланди.

— Охириги йилларда ҳамма соҳалар қатори дин бўйича ҳам очиқлик, эркинлик берилди, бир нечта илмий марказлар ташкил этдик. Лекин булардан халқимизга нима

манфаат бўляпти? Манфаат шундай бўлиши керакки, бу салохиятни жамиятга етказиш керак. Бухорий, Мотуридий, Марғиноний каби буюк боболаримиз меросига таянган ҳолда жаҳолатга қарши маърифат билан курашиш зарур. Бунинг учун диний таълимни амалиёт билан боғлаш, илмий марказларимизни дунёда етакчиларга айлантириш керак, — деди давлатимиз раҳбари.

Президент Шавкат Мирзиёев Бухоро туманидаги Работикалмоқ маҳалласида бўлиб, аҳоли ҳаёти билан танишди.

Бу ерда 9 мингдан зиёд аҳоли яшайди. Қуйи тизимдаги манзил ишлар натижаси ушбу маҳаллада ҳам намён — тадбиркорлик ривожланиб, иш ўринлари кўпаймоқда. Хусусан, илгари фойдаланилмаётган майдонда тикувчилик корхонаси барпо этилди. 30 дан орттиқ хотин-қиз ўз маҳалласида ишли бўлди. Яқинда иш бошлаганига

қарамай, корхона 100 мингга трикотаж маҳсулотлари учун буюртма олган.

Давлатимиз раҳбари мазкур корхона фаолияти билан танишиб, ишчилар билан суҳбатлашди.

— Маҳалладаги ўзгаришларни, сизнинг ишли бўлганингизни кўриб, хурсанд бўлдим. Булар — халқ ичига кириб, халқ билан бирга қилинаётган саъй-ҳаракатларимизнинг кичик бир натижаси. Агар ҳокимлик ва ташкилотлар шароит яратиб беролса, ҳар бир оила ўзини эплаб кетолса, мақсадимга эришган бўлам. Шунда катта оиламиз — давлатимиз ҳам мустақкам бўлади, — деди Президент.

Шу ерда вилоятдаги тадбиркор аёлларнинг хунармандчилик маҳсулотларидан намуналар намойиш этилди. Улар ишлаб чиқаришда ва касаначилик асосида хотин-қизлар бандлигини таъминлаётганини сўзлаб беришди. Давлатимиз раҳбари уларнинг бу борадаги ҳаракатларини

қўллаб-қувватлаш бўйича мутасаддиларга кўрсатмалар берди.

Работикалмоқ маҳалласида яна 10 дан орттиқ савдо ва сервис шохбчалари, Тадбиркорларга хизмат кўрсатиш маркази ҳам бор. Маҳалла фуқаролар йиғини биноси мукамал таъмирланган. Аҳолининг бўш вақти мазмунли ўтиши учун “Отахонлар чойхонаси”, кутубхона, спорт майдончаси ва хиёбонлар ташкил этилган.

Давлатимиз раҳбари бу шароитларни кўздан кечирди, шу ерлик Бахтиёр Пўлатов хонадониди меҳмон бўлди.

Давлатимиз раҳбари Бухоро вилоятига ташриф чоғида кластерлар раҳбарлари билан мулоқот қилди.

Бухоро вилоятида 11 та пахта-тўқимачилик кластери фаолият юритмоқда. 2022 йилда улар томонидан қарийб 99 минг гектар ерда 358 минг тоннадан орттиқ пахта етиштирилган. Жами 2 триллион

36 миллиард сўмлик 36 та лойиҳа амалга оширилиб, 3 минг 600 та иш ўрни яратилган. Ташқи бозорга қарийб 77 миллион долларлик маҳсулот экспорт қилинган.

Мулоқотда бозор конъюнктура-сидаги ўзгаришлар, кластерлар олдидидаги долзарб масалалар муҳокама қилинди.

— Қийин бўлса ҳам, нима учун кластер тизимига ўтдик? Илгари халқимиз пахта экарди, лекин шунга муносиб манфаат топмасди. Беш йил давомида кластерларни авайлаб, шароит яратиб, шу даражага олиб келдик. Энди улар халқларвар бўлиши керак. Майли, бой бўлсин, фақат ҳаёт билан бирга, халқ билан бирга, — деди Шавкат Мирзиёев.

Кластерлар раҳбарлари бугунги натижалари сўнги йиллардаги ислохотлар туфайли эканини, бунга жавобан ишсизликни камайтириш бўйича ўзларига масъулияти олишини таъкидлашди.

— Барча ислохотларимиздан пировард мақсад — халқимизнинг даромадини ошириш. Камбағалликни йўқ қилиб, аҳолининг харид қобилиятини оширсак, тадбиркорларнинг иши ҳам ривожланади. Беш йил олдин Бухоро қандай эди, ҳозир қандай? Шу суръатда давом этса, яна беш йилдан кейин натижалар бундан-да яхши бўлади. Чунки шундай буюк, меҳнаткаш халқимиз бор, — деди Президент.

Кластерлар фаолиятида муқобил энергиядан фойдаланишни кенгайтириш, сув тежовчи технологияларни қўллаш, инновацион ечимларни жорий этиш бўйича ҳам кўрсатмалар берилди.

Давлатимиз раҳбари шу ерда бухоролик хунармандлар маҳсулотларини кўздан кечирди.

▶ Давоми 2-бетда

Ўзбекистон Республикаси Президенти Матбуот хизмати суратлари.

## ЎЗБЕКИСТОН RESPUBLIKASI PREZIDENTI SHAVKAT MIRZIYEV NOMIGA AMERIKA QUSHMA SHTATLARI PREZIDENTI JO BAYDENDAN MAKTUB KELDI

Ўзбекистон Республикаси Президенти Шавкат Мирзиёев Жаноби Олийларига

Хурматли Президент жаноблари!

Мамлакатларимиз ўртасидаги муносабатларни мустақкамлашда кўрсатилган етакчилигиниз ва шахсий интилишиниз учун, шу жумладан, хавфсизлик соҳасидаги ҳамкорлик учун чуқур миннатдорлик билдираман.

Ўзбекистон билан иқтисодий ва энергетика масалаларида ўзаро алоқаларни ривожлантириш, шунингдек, Сизнинг мамлакатни сиёсий тизимини модернизация ва ислох қилиш борасидаги саъй-ҳаракатларингизни қўллаб-қувватлаш АҚШ учун устувор аҳамиятга эга.

АҚШ ва Ўзбекистон ўртасидаги стратегик шериклик чуқурлашиб бормоқда ва эришилган ютуқларни 2023 йилда ҳам янада илгари суришимизга умид билдираман.

Сиз Марказий Осиёдаги бешта мамлакатнинг минтақавий ҳамкор-

лигини кенгайтириш орқали қўшни мамлакатлар билан муносабатларни ривожлантиришга катта эътибор қаратаётганингизни алоҳида қайд этмоқчиман.

Бу саъй-ҳаракатлар Марказий Осиёда ва унинг ташқарисиди равнақ ва барқарорликни таъминлашга катта ҳисса қўшмоқда.

Бизнинг шериклигимиз, мана 30 йилдирки, БМТнинг барча мамлакатларнинг мустақиллиги, суверенитети ва ҳудудий яхлитлигини ҳурмат қилишдек асосий принципларига риоя қилиш асосида ривожланди.

Ишончим комилки, ушбу кадрятларга муштарак содиқлигимиз ўзаро алоқаларимиз узоқ муддатли истиқболда янада мустақкамланишига хизмат қилади.

Хурмат билан,

Жо БАЙДЕН

## ДОЛЗАРБ МАВЗУ

### ЭНЕРГЕТИКА БАРҚАРОРЛИГИ:

сўнги икки қарор бунга кенг йўл очади

Энергетика тизимини ривожлантириш, истеъмолчиларни энергия ресурслари билан барқарор таъминлаш давлатимиз белгилаб олган вазифаларнинг энг муҳим йўналишларидан бирига айланмоқда. Аслида, шундай бўлиши ҳам керак. Чунки сўнги пайтларда энергияга бўлган эҳтиёж тобора ортиб борапти. Бу эса, ўз навбатида, соҳага энерготехамкор, замонавий илғор технологияларни жорий этиш, энергия ишлаб чиқариш ва фойдаланишда оқилона ҳамда самарадор йўللارни излаб топишни тақозо этмоқда.

▶ Давоми 3-бетда



## ТАРАҚҚИЁТ ЙЎЛИ

### СТРАТЕГИК ИСЛОХОТЛАР

### МУАММОЛАРГА АНИҚ ЕЧИМ ВА РИВОЖЛАНИШ ОМИЛИ

Сўнги йилларда мамлакатимизда давлат ва жамиятнинг турли соҳалари ислох қилиниб, давлат бошқаруви тизимини такомиллаштириш, бизнес муҳитини яхшилаш, иқтисодий тармоқларни трансформация ва модернизациялаш, ҳудудларни ижтимоий-иқтисодий ривожлантириш бўйича аниқ чоралар кўрилди.

▶ Давоми 4-бетда











